



JU OŠ “Kreka” postala je partnerom u realizaciji projekta prekogranične saradnje, a glavni cilj saradnje ogleda se u edukaciji učenika i nastavnika iz sedam osnovnih i sedam srednjih škola iz Tuzle (BiH) i sedam osnovnih i srednjih škola iz Užica (R Srbija).

Edukacija ima za cilj upoznavanje sa primarnom selekcijom otpada u svim sredinama. Na ovaj način škole dobijaju prioritet u pionirskom poduhvatu po pitanju reciklaže u svojoj školi, gradu i državi. Odvajajući PET ambalažu, papir, aluminijske limenke od ostalog otpada, moguće je pokazati svima šta znači biti odgovoran prema sebi i svojoj zajednici.



Škole će biti opremljene potrebnim kantama po bojama plava (papir), žuta (PET ambalaža), zelena (aluminijske livenke) i braon (najlon, kore od voća, komadići hljeba...)



Svi zasinteresirani đaci moći će učestvovati u radu ekološke sekcije, tokom kojih će biti educirani uz druženje i organiziranje takmičenja iz ekoloških tema, a na kraju projekta najuspješnije škole imaju mogućnost učešća u radu ekoloških kampova.



Učešće 28 škola iz Tuzle i Užica daje sigurnost kako će ovaj projekt uroditi ozbiljnim i nadasve korisnim plodovima, a to je zdraviji i čistiji okoliš.



Nosilac projektnih aktivnosti za školu "Kreka" Senada Pezić, rukovoditeljica ekološke sekcije.

Prilog pripremila: Azra Ušanović – novinarska sekcija OŠ "Kreka"